

四庫全書

集部

欽定四庫全書

石倉歷代詩選卷四百八十

明 曹學佺 編

明詩次集一百十四

陸深

擬行行重行行

悠悠日將遠思君心甚邇所嗟異居處同生不同里別
離既以苦會合諒以難逝川期東海行雲戀故山自知

金
卷四百八十
去日貌難比舊時顏出門即遠道雨雪紛紛浩浩泥縑
素衣安得白日照矯首念征人憂傷易終老

擬西北有高樓

層樓一何巍亭亭切雲霄綺疏縹緲間欄楯匝周遭不
知誰居中哀怨逐風飄為言本邯鄲關河望迢迢區區
懷苦心三載非一朝援琴以寫之意重絲難調初為陽
春曲再行鼓山高妙音本絕世賞識何寥寥思為雙黃
鵠比翼與俱翔

擬孟冬寒氣至

歲盈易寒風曠野何蕭條
深居戒遠趾四壁亦飄搖
陽和日已往陰沍日已驕
門外遠書至啓函知故交
慰我以好音期我以明昭
感茲殷勤意千載詎能銷
素心抱愚衷欲吐還自韜

贈別徐昌國二首

北風起天末送子城東闌
願言遲數里欸欸得具陳
我有一端綺持以贈夫君
不願為黼黻不願為袴襪
願為

平居服昏旦常相親垢敝忍棄捐愛惜情如新

二

北風吹我襟望子不得見跂立恨足短淚落迸如霰草
樹搖寒涼二曜急流電游子在路岐襦薄馬悲顫未明
戒先驅薄暮苦後殿空谷多松栢念此步不進

南望水澁舟不得去同行者謀就陸戲成自慰
春江多柳花風起花還飛夕陽斂飄蕩委地相因依行
止諒有數早暮同所歸百年總行旅安用長歔歔義和

無東回安樂誠幾希
眇焉泣岐子人遠事已非
飄飄山水間志願良不違
朝多清風來暮多繁星輝
古稱太史公千載欽嘉徽

和趙類菴燈花

頌君燈花篇值我燈花燦
旖旎欲浮香數披似春半圓
朶競霞呈岐枝誤星散娛翫
夜三更遲回腸九轉獻祥
諒無私涼德歌有覲南郊
禮將成預兆明庭宴無藉春
風吹偶見春風面影搖畫屏
斜蕊墮銀檠亂君才本天

妙况復論交淡麗藻凌六朝高風駕前彥倘許望後塵
鉛槧從茲辦寒燈復作花政爾從人願

儼山精舍晚意

風蟬咽翹林江鷗泳別渚雲霞變初秋焦枯慰時雨豈
乏凌冲志蓬瀛渺何許兀坐當軒楹涼颭滿衣宇中炯
常晏如外紛亦屢拒會心適寡諧顧影聞獨語

雜詩

四叙若鱗次君子感變遷昨日夏熱酷今夕秋月鮮涼

飈振天末草樹失故妍
玄鳥逝將返蒼鷹厲高騫
苟無
豳風人何以卒歲年

二

古井春無泉
槁木夏無枝
仲尼歎糞土
詩人詠德基
中
夕起坐歎歎息
將奚為
去者日以遠
來者安可期
不見
令名士
監古乃得師

吳人以巨艦載湖石至雨中閱之

濛濛江天雨
遙遙湖水船
誰施巨靈斧
劈此青數拳
縹

緲呈夏雲嬋娟隔春煙雖乏衛公識偏懷米生顛蹇予
頗好奇有癖在林泉肩輿度壑瞑孤榜逐溪緣品視別
苔蘚摩挲計雕鐫適歸亦乘興卧遊裁短篇

聽雨

撼撼入葦際蕭蕭自簷楹幽居忽復旦迴野薄江城偃
息從茲始塵鞅詎能嬰園田被膏潤琴書有餘清浮生
本未定毀譽等陰晴聊有盈觴酒獨酌慰幽情

九日朔晨興

落葉紛可掃客行殊未歸大化無停運倦翼多卑飛凌
寒懷執熱撫序悲授衣物候變南北世故有依違晦朔
成代謝所嗟知者稀

贈別汪天啓同年

借問何所悲相知新別離掩袂各揮涕步步不得辭恐
墮兒女情揮酒盡一卮念我同門友高舉振羽儀東西
各有適與子願獨偕意多覺別促情親身不違仰眎白
日速嗟此道上泥久要四海志歲年空路岐慷慨發我

歌我歌當向誰諒子重察識會面知有期

過黃憲墓

當年自無營千古如識面安用金石堅始知儀秦賤曉
行襄江濱殘月墜西堰溟濛草露晞扇顛標題見相從
牛醫來古意倘未變

送徐昌穀湖南纂修

取友在異世貴此肝膽通與子在鄉國筆硯亦屢同一
別歲月速那得不匆匆宵戒盈觴酒起視夜方中追子

恐弗及綢繆叙難終夾居長安道參商各西東况茲萬里隔目斷雙飛鴻江湄長芳草鬱紆傷我衷

雜詩

覽鏡難自持容顏豈常好秋高風露勁黃葉紛弱草豈無長生藥馳心違至道淨宇澄垢懷冥觀契玄造遲迴三十年念此苦不早瑤池與玄圃微風蕩芝草

宿佑聖觀候明發

宦業祇簿領游目曠林泉偶此山陰雪來衝竇中煙新

陽一以長天道會好還招邀復材彥探討事幽玄初遵
潛虬壑還過種玉田曲檻俯躍鱗盤空墮飛鳶時聞林
端磬幾遇雲外僊相將願有遂所適期無前

安山道中晚棹

洋洋水波逝永欽川上懷遂將去齊魯明當渡江淮遠
役謝塵鞅高居理茅齋沙田二三頃婉孌東海涯芳春
景物麗夕陽襟抱佳耕讀有遺軌長使願無乖

近田詩

并序

太宰松臯翁作近田詩以示其冢子與與奉以為
別號深讀其詩序窺見翁之實學近裏若此因
和一章近世有誦學者長虛驚遠賴翁此作可
以一變深亦為之惕然蓋不獨可以傳之一家
也與其寶之

國風驕甫田鄒孟戒捨已載歌許近田取譬同一理系
本太岳後繼世累金紫煌煌示新篇下帶有深旨西周
帝王畿累世由農起致廣本慎微舉遠必自邇請觀阡

陌間東西僅尺咫耕耔貴及時稼穡便佐使屨杖傍門
廬饁餉出童婢收成俄頃間焉用枉遷迤請君聽我歌
我本田家子

晨興見白髮

四十期有聞覽鏡髮改素古人悲染絲一變不復故神
王自中恬形勞豈外慕伊余本懦儒履滿每知懼悟言
養生篇引領遂初賦大化運自然頽景不可駐達人固
忘我君子保末路華落見本根相將歲寒暮

送王存約赴惠州

朱方赤日永揚舲
江路長亮無沉湘賦
寧少伐木章川
原孕靈淑藻麗發
景光沖抱秉素尚
令德藹餘芳徽音
幸無阻一寄鱗鴻
將莫以仳別恨置
此冰炭腸地理任
險易天運變炎涼

吳中新刻臨川集甚佳雙江聶文蔚持以見贈
攜之舟中開帙感懷寄詩為謝

少小有書未能讀
暮年好書讀不得
豈惟簿領少餘閒

兩眼冥蒙淚旋拭簾前見物私自憐霧裏看花慣曾識
憶昔家住東海濱世務耕農寡文墨勉勤誦習起家門
每事收藏節衣食一從觀國上皇都十載具官充史職
長安朋輩心多同古典探搜事尤力荆文丞相宋熙豐
國監遺文舊常刻猗予謬司六館成手許校磨工未即
當今楔棗稱吳中唐摸宋板俱奇特是非本定空愛憎
報復何窮恣翻覆文章功業兩難朽治亂興亡三太息
蘇州太守古鄴侯貽我遠勝黃金億樓船風雨滿章江

把玩新編坐相憶

次答姚子明石屏歌

乾坤奇秀皆儲精老我山水偏多情是中猶有愛石癖
一見奇石雙眼明十年去國行八省叅謁咨請兼逢迎
晚蒙聖恩召自蜀置之金馬白玉京晨趨黃扉暮紫闥
左圖右史心無營賜金月俸有餘鉅買得一屏當座橫
人言此屏本無價我亦得意還若驚煙雲縹緲天台路
巖壑隱映芙蓉城瑤池東來降王母仙掌擘出煩巨靈

有時對坐一長嘯便覺毛骨隨風輕
滇南蒙段昔開國此石充萬里程
攜歸東海添秀氣聊與平泉作後塵
得君長歌更增重五色光燄輝文衡

竹齋歌

君不見仙尉齋前數竿竹勁於龍顏嫩於玉
向晚冰霜如有情多時盤筋寧無肉一從手種
春雨餘搖動青冥散炎燠未論留汗等琬琰
先須截管諧琴筑曾聞子猷傲山陰何如衛武歌
淇澳虛齋中含八面涼恍疑瀟湘

秋萬斛軒窗隱映月漸移枕簟飄蕭粉初撲堪擬封侯
自千畝正有幽人在空谷凍雷驚筍起卧龍怪石蟠根
解羣鹿遶簷日日報平安一歲清風三百六齋中本是
瀟灑人歲寒之交元有神當年隨計赴上國尚書宰相
俱心親人言松栢並竒操共愛金玉尋芳鄰燕京爭誇
見彷彿黃金別築高嶙峋劍江回首舊隱地花縣拜命
新行春竭來小試釣鰲手東海裊裊垂絲綸九苞彩鳳
下覽德千里青雲高致身仇香枳棘昔同調蔣詡徑路

今通津暫將形影照南浦若比甘棠尤逼真我歌竹齋
君試聽天子用爾清風塵會須嶰谷逢伶倫

岐陽石屏歌

岐陽之民像侯德遠致山中一片石依稀宛見城郭面
彷彿尚帶山川迹一從乘驄換五馬霧渚煙村坐來隅
摩挲三復如有情指麾從吏貽江濱長卿多病枕書卧
驚起門外高嶙峋倒屣相迎問來使開緘再拜生陽春
荷侯此惠百感集媿我家徒四壁立忽焉屋底開暮晴

搖蕩虛無翠寒濕新恩舊惠俱在眼萬壑千巖互相入
滇南大理空自珍江上數峰尤絕倫天然飛走肖麟鳳
瑟爾瑩潤同瑤珉坐當保障屹不動豈免覩物終懷人
自是侯家有餘積留待他年隔朝席泥金孔雀映芙蓉
郎君近作乘龍客胡為致之向儒素恐使湘靈動深惜
君不見唐朝太宗重畿甸遍題姓字留宸眷天生異質
當大用安得隨君獻入光明殿

大風

雄風括地西北來吹我狐裘薄如紙吳兒愛熱不耐冷
我亦何為行至此丈夫有志事四方阮籍劉伶畏生死
有人逐日走未休有鳥銜石填海水此事無成節可壯
錦帳紅爐是誰子河山三晉古有靈前唐神堯後唐李
兩家際會未易同風虎雲龍共時起紅塵莫漫障白日
待汝終朝聊爾耳

贈別殷子

殷子有奇骨昂藏若駿馬康莊在遠道伏櫪甘土苴長

安一朝別我去再三挽留不能住潞河新有下灘船到
家正及朱炎暮君家本在齊魯墟楓林瑟瑟臨前除小
樓畫檻蔭林樾中有前世千卷書北窻慈母髮垂領倚
門望兒悲短景小弟今年十四五弄筆時時學馳騁上
奉母顏下課弟日有餘功擬叢桂病骨偏宜秋氣涼藥
囊間却參苓劑登高迴睇望泰山恍見仙人時往還翩
翩白鶴不可借流光日夜凋朱顏朱顏一往那再復惟
有功名留汗竹志士偏增日暮悲佳人易感窮途哭憶

昔虛堂坐論文辭鋒往往追先秦談詩屈指數漢魏歎
息六代何無人殷子奇氣鮮有匹人間八寶光耀日吳
郡徐子吾畏友每每到君賞高逸君不見九方臯胡能
按譜求馬毛願子加餐善自愛天閑十二終當泰爾曹

題文徵明畫

筆下塵埃一點無開圖知是賀家湖秋風九月菰蒲岸
橫着溪舟看浴鳧阿明此藝稱獨步前身妙絕元姓顧
安得置之水晶宮卧看雲煙落豪素

東池

梅花白雪塢楊柳綠煙隄野曠春偏晚江深日又西為
尋彭澤宰如到武陵溪茅屋人家裏時時聞鳥啼

從丹鳳前渡江

春色臨江閣年光遍海城東風吹又轉芳草望還生天
路青雲迥鷗波白羽輕平生濟川意野渡更分明

江上登望

江流何渺渺孤帆澹秋暉遙知三山近復送百川歸蜃

樓橫碧落龍湫臨翠微徘徊那可極返照上人衣

端陽

畎畝驚時序端陽復早晴遙知宣賜裏空有侍臣名舟
子漁龍渡騷人醕酒情千年渾舊俗地接楚江城

五月七日雨中宿觀瀾亭

溽雨江天暗通宵水氣多壯心驚歲月人語隔煙波舟
楫供高枕江湖付短蓑浮沉聊爾爾擊節自長歌

五月晦江上送宋義卿民部

重五期不至望六送行舟梅雨快初霽荷風如早秋天
涯俱宦轍江上倍離憂欲采幽芳贈因過杜若洲

別朱升之

淺交多別語情極易忘言送客風生舵懷人月到門夜
長偏旅榻秋早是江村復向論心地何年共一樽

與張山人夜渡

入夜水雲濶煙霏共渺茫遙空聞鴈陣遠火識漁榔野
渡虛舟楫寒更犯雪霜吾哀倦行役復此戀江鄉

臘庚申雨中步出西郊視葬先兄素菴

和淚北風雨傷心西郭墳江聲空逝水山色有浮雲
未起隆中卧先修地下文池塘春又到南鴈不堪聞

和答黃勉之

國器推豪俊鄉評熟姓名風流同偃蹇歌調獨淒清
故里層雲映長河片月生非君敦素尚老去若為情

和劉仲素雞鳴山

步入招提境下方秋水浮雪深枯壁定雲遶遠江愁鐘

伴黃昏去泉依白石流共僧分一榻十日不梳頭

人日過徐子容

積雪霽人日苦寒欺客襟相看一杯酒不負百年心劉
向俱中秘相如獨上林共君回首地十載負春陰

予入晉以四月二日宿權店三日過南關抵盤
陀八月東巡亦以二日抵權店是晚遂宿南
關三日午餉盤陀豈有定數耶

一飯盤陀驛青山是再來登臨殊不盡節物苦相催樹

色庭除合秋衣篋筭開天涯俱作客去住莫驚猜

入平定州

雪擁頻回馬山寒少見人歲長不記歷風暖即知春
泉石謀生薄煙雲即事新此中有真隱能望豈能親

登祭江亭

春深羊傳廟江湧鹿門山一上孤亭望遙空獨鶴還
浪沙明浴日苔砌暈成斑耆舊登臨地高風乍可攀

車廐驛乘潮順風北下

人生快心事風水送歸舟
況復青山曲頻過碧樹洲
草深藏乳鴨波遠沒輕鷗
苦愛觀風地終慚為國謀

上虞道中

山海無藏秀乾坤有與區
土風兼百粵習氣近三吳
潮落曹娥渡天垂賀監湖
畫船牽錦纜時復下菰蒲

春分日大風

九十日春分一半四千里
路長風沙寒衣欲變難為客
曉夢無憑數到家關塞每
憐新過鴈山城深護未開花

向陽賸有閒庭院滿意東來吹帳紗

大風

昨夜雨沙今大風美人高閣怨飛蓬柳條萬結渾欲斷
梨花一株容易空豈是宋都過退鷁亦愁鄉信阻歸鴻
江南茅屋吾所愛莫教吹捲灑西東

出北城與嚴唯中倪本端同行

天門積雨洗炎蒸日射西山紫翠層白髮先朝老供奉
青衫騎馬向諸陵幸陪鴛侶時相並欲挽龍髯却未能

流水稻田城北路去來吾記昔年曾

對月

庭樹扶疎月轉陰
煙銷畫燭候蟲吟
隔簾秋色三千里
伴影離人一片心
門寂紅顏頻對鏡
帳寒清夢尚揮金
去年燕趙今吳楚
指點明年意更深

秦淮漁笛

桃花新水滿江流
一棹波連白鷺洲
網趁夕陽魚在貫
酒隨村店蟻初筍
高懷閒弄江梅曉
古調遙翻嶰竹秋

幾度曲終潮正落從人指點說東遊

子殤後一首

小巷深深日似年柴門寂寂掩風煙一川花柳春無賴
三五嬋娟夜可憐狼籍頭顱多殢酒飄搖風雨但高眠
少年事業真堪笑囊有殘詩近百篇

晚泊

風濤滿目月黃昏晚泊澄湖獨樹村漁艇隔溪常宿火
茅茨臨水半開門夢從五夜多逢赦人過中年易感恩

聖主如天司節候陽和須向歲寒論

丹陽孫思和東遊每當山水勝處輒繪為圖冬

夕過儼山示我光福一段賦此

看君畫裏汎扁舟今夕披圖數勝遊水面青峰七十二
山腰黃橘幾千頭帆開遠影江湖濶天接中央日月浮
試問虎溪橋外水為誰煙浪下蘇州

次韻白鴈

來從星漢下瀟湘粧點楓林入醉鄉錦字傳情通萬里

銀箏移柱送斜行溶溶月色憐孤影渺渺歸心滯晚霜
堪歎揚雄頭盡白惟將羽獵奏君王

和答胡汝載

瓊林珠閣不勝寒慚負時趨白玉闌獨抱琴書耽寂寞
誰從花竹問平安沈腰已瘦頻移帶潘鬢新添欲滿冠
相對長安同作客檇詩特地勸加餐

慈化早起喜晴遂發

兩宿僧房病後身高情聊與白雲親青山似畫閒情少

紅日如輪世路新
吳楚地連多客戶
瀟湘天遠有騷人
南中歲晚饒風雨
愛聽鐘聲報四鄰

別李時元下第

吳山蒼蒼共燈火
潞河悠悠即去途
乍可後期還磊落
那因遠適悲江湖
晴風浪搖四月麥
宿雨帆輕十幅蒲
南國詩成須早寄
風塵清夢客樓孤

和易欽之宿廣恩寺

春日忻逢水西寺
入門無數香煙凝
鄉園千里遠作客

塵土十年終愧僧風光每向閒邊見山色試憑高處登
未聞西來栢子樹可憐清沼玉壺冰

視牲

向晚郊壇第幾巡願儲精意奉明禋去來路熟渾忘遠
西北山多欲礙春終見牛羊歌帝右未因鼯鼠變齋晨
東風又遍天涯草御輦須憐碧玉茵

食菱

曲曲菱歌江上秋畫船歸近望江樓北來物色渾如玉

南望鄉關第幾州風味疑從仙掌墜水芳曾傍錦雲浮
歲寒獨枉佳人惠消得相如一片愁

初試羊羶予有一端藏笥中者十年茲教內館
始製為衣以禦北風感而有作

蕭颯頭顱感是非半生何敢愛輕肥相將歲晚看新製
指點年華亦故衣北郭嚴凝隨瘦馬西州辛苦到殘機
病來却恐渾憔悴且試休文舊帶圍

和宮端後渠玉亭賞蓮之作

玉亭清切五雲邊
盆沼誰移玉井蓮
來賞正逢初過雨
倚看須著半含煙
何妨絕代稱君子
準擬前身是水僊
四十年來同榜客
一尊相屬醉花前

遊儲芋西園池乘月夜汎

峰巒巖壑俯中流
何處三山與十洲
新雨不妨泥滑滑
好風先送水悠悠
鷗無機事迎人下
客有高懷盡日留
向晚星河迷上下
笙歌燈火木蘭舟

歲暮風雨中發藏書示楫子

歲寒風雨合江樓燈火樓頭數夕留新命誤蒙吾已老
舊書多在子須收星辰萬里趨關塞環珮三朝侍冕旒
抱得寸心終許國未應猿鶴怨林丘

三日雨後登儼然亭

蕭蕭竹樹夾溪深一雨初晴長綠陰真意倘違空老大
野芳雖少亦山林好風似舊穿高榻流水如知繞素琴
東去大江知到海為誰煙浪送歸心

雨中宴莊氏東園留題山亭

洞中山石俯波光
窻外林花薦野芳
況有管絃相映發
儘教風雨佐清狂
虛疑四老煙霞地
正是三江雲水鄉
我欲卜鄰酬望想
自應傳社草篇章

秋日無聊偶然作

問余何事每悽然
尺璧光陰閱歲年
舊讀書今存蠹穴
新縫貂已剩鶉懸
常餘孤枕還鄉夢
頻乞東家買藥錢
自信英雄須到骨
業身隨處了塵緣

贈別尤宗陽還吳門

臨岐莫怪恨
暗暗投贈天涯紙
半函澤國鄉音
三泖北江湖
夜雨一燈南
浮蹤去住僧留偈
世味寒溫佛飽叅
歸去若逢人
問訊文章何用學
春蠶

喬白巖太宰家山留題在邇亭

晉陽文物上卿家
小作江山殿
歲華望到白巖明
玉雪繇來綠野鎖
煙霞雲窻覆奕傳
仙譜石室藏書帶
相麻同是登臨還
在邇遠尋何用訪
丹砂

書院池亭忽有玄鶴下集因養於庭

橫空一鶴下危闌
隱隱丹砂變羽翰
疑是歸鴻須繫帛
休將野鳥誤稱鸞
青田到後雲天遠
北海從來歲月寬
飲啄漸馴宜試舞
客衣偏感化長安

東阿道中對雪

天為山行借雪看
路隨天遠更漫漫
詩成驢背偏如意
病後狐裘少耐寒
授簡有才懷帝子
折梅無使寄長安
惟餘一片郊原興
白馬翩翩拂未乾

送胡汝載丞武昌

詩律從來徹骨清
哦松端不負茲行
星辰南斗占郎位
江漢西來抱縣城
鸚鵡洲邊芳草合
鳳凰臺上遠山晴
春明門外衝寒別
欲折梅花重有情

蕭海釣文明先生挽詩

朝野名傳翰墨餘
白頭空有讀殘書
南方秋早逢搖落
四海人多問起居
塞下當年曾失馬
釣絲終歲竟忘魚
八哀此日還成賦
慚愧先生識面疎

連日遲李獻吉不至作

幾日都門長者車風塵不見正愁予只今對面還千里
何處相思有尺書秋色天涯催客暮山光樓外為誰舒
空歌杖杜回長嘯終愧緇衣歎索居

送何文徵赴開州

江東文藻竟誰如新綰銅章左佩魚天上風雲元咫尺
兵前草木正蕭疎煙樓夜遶三刀夢露冕春行五馬車
便欲修成循吏傳即看名滿薦賢書

宿常山集真觀

病懷自愛尋山憩面面芙蓉映遠峰
向晚樓臺棲宿霧
報晴鐘鼓動秋風
千重地脉閩關北
八月星槎浙水東
懷國望鄉俱不極
一龕燈火翠微中

遊武夷

清遊妙得此山中
一度來過一不同
泉石煙霞時上下
陰陽昏曉自西東
溪流九曲層層去
雲鎖千峰面面通
向晚天風墮僊樂
月明知是武夷宮

次韻答萬石梁大叅

得陪騶從出城遊
况愛煙嵐向晚收
揚子何心能頌莽
仲宣無計且依劉
林間鳥並鵲聲急
雲裏江分燕尾流
酒量近來因病減
令人苦憶醉鄉侯

病後閉關

萬里橋邊萬里身
西風撼撼鬢毛新
天應憐我長為客
事到求名始累人
滿院蒼苔行省宅
一川黃葉大江濱
少陵老去多秋興
且傍雲山結四鄰

送皇甫子循謫黃州推官

雪堂舊路君重到赤壁文章五百年一向東曹分郡檄
却從南斗望台躔流塵遠道征袍上宿雨清秋客鬢前
明發大江過夏口中流應有濟川船

劉都閫以紅花本見貽

才賞名花當送春移根西向伴吟身為誰池館能憐舊
到手風光又斬新謝令空題紅芍藥杜陵偏感白頭人
公庭事簡餘芳草留取青枝襯綠茵

自睢陽入梁有懷何鴈峰憲副

雲間遂作三秋別濠上相為一宿淹人世百年悲喜共
客程千里雨晴兼棠陰鶴乳思方去玉節金符令更嚴
後夜梁園回首望鼓城山月水晶簾

午後微雨明早發中江新漲壞橋拏舟而渡始
知四郊得雨甚渥

泉聲曲曲度江心知是前山雨化霖巫峽風煙天漠漠
巴渝歌舞曉陰陰春回擺掇連村合涼沁芭蕉到骨深
聖主中興多法古宣王雲漢有遺音

十一月二十日次大年驛見梅花和謝僉憲邦

正壁間韻

山雲黯黯復冥冥
釀雪為霖總未成
忽見梅花如著意
即看詩草可憐生
月來粉堞渾無影
風度黃昏似有聲
況與歲寒期更早
玉人消息最分明

潞河候水次張石川韻

心同野鶴恣高飛
學得屠龍與願違
魂夢九天雙鳳闕
江湖滿地一漁磯
安身已辦烏皮几
稱體新裁白苧衣

賴有河邊同載客不應林下見猶稀

青羊宮餞顧頤齋即事

青羊翠栢白雲阿又是春風一度過宿霧欲收初露晷
餘寒猶在薄侵羅行邊巷陌流塵遠物外樓臺勝事多
無數鄉心山水隔酒闌重與聽驪歌

西巖詩

我愛西巖好風光足大觀微茫分太液咫尺是長安

過宋玉墓

楚國餘文藻當春邁故丘為君悲不已安敢向高秋

方春野挽詞

春野依然在春風依舊來去年巢裏燕不見主人回

書扇寄李百朋

錦浪生春水茅亭盡日孤十年身不病天遠共江湖

漫興

水郭江村不受塵惟將石竹伴閒身玲瓏漏月看雲骨
蕭灑含風對玉人

登樓

掉臂歸來萬里身倚闌無數物華新
細尋往事知多少
我是明年五十人

題畫

溪山疊疊雪初寒江水悠悠一釣竿
著得羊裘竟何益
蓑衣和月下前灘

題陸封君怡梅卷

我家放鶴坡頭樹種近西湖處士居
獨板橋邊山十里

杖藜來探雪晴初

為方思道題畫眉折柳

中山紫翠護層層
合起高樓對雨凭
愛汝一雙花底鳥
為春啼殺海棠陵

任城題楊閭直夫泉香書屋

水紋花氣鬪精神
疑是成都賣卜人
傳得一區揚子宅
藥苗閒洗雨中春

馬嵬

秦關山勢拂雲來才過驪山又馬嵬今日豈知當日事
澗花含笑為誰開

寄南莊

相看無限故園情獨倚西樓向晚晴秋水一奩天上下
荻花楓葉隔江城

題悅茶卷

水竹交居事事宜更將春思鬪槍旗分符調得中冷到
未放松陰鶴夢遲

題馬麟畫蘭

秋風九畹正離離
畫裏相看一兩枝
欲寄所思無奈遠
閒拈湘管對題詩

壽陽察院次壁間韻二首

無心隨處夢魂安
古栢臺深五月寒
自笑青山老居士
松牕閒殺舊蒲團

疎慵聊與拙相安
華髮蕭蕭鏡裏寒
門掩萬山深院靜
古槐成蓋綠陰團

石倉歷代詩選卷四百八十

欽定四庫全書

石倉歷代詩選卷四百八十一

明 曹學佺 編

明詩次集一百十五

嚴嵩

雪霽登鈴山

千峰積瑤素寰宇映空明
仙人好赤腳獨躡層冰行
疊石疑瓊島高樓思玉京
勁風仍振木朗月已輝城
永夜

山中宿山泉松澗鳴

山塘

山塘深且廣，邈迤抱山麓。
隔浦見人家，依依桑柘綠。
日落煙水寒，遶塘飛屬玉。

仰天岡

石磴盤秋蘿，危亭出峰樹。
行人上山道，望望雲飛處。
洞口晚鐘聲，林僧獨歸去。

鴈洲宿

山登極巔屹野適忽夷曠清澗屢寒涉綠疇彌晚望水
亭荷芰開園屋雲松傍應憐鴈洲宿絕勝剡溪訪

迴鑾詩

長楊騎火紅漢帝夜還宮觀兵誇出塞獻捷賀平戎旌
竿颭飛雪饒吹喧高空百琛陳闕下八駿遊寰中千歲
昇平樂懽讌曲難終

如松江訪陸太史先申寄贈

孤岬雨聲急松門煙浪深沿洄趣易愜懷望思難任雲

物中夏賞湖天孤嶼唵暖暖沙中樹悠悠波上禽臨溪
聽黃鳥拂石理瑤琴總多山水興兼慰別離心

待曙樓

聞鐘起振衣展席坐東扉松巖微月墜花林芳露晞悟
澹境方寂遣俗慮應稀稍稍晨光集衆禽川上飛

答用修見贈

雞鶩爭稻梁鳳凰食琅玕感惻念物理沉冥結憂端俛
仰宇宙間知己良獨難我友在遠方欲往從遊盤岷江

阻奔洶劍嶺間巔岼緬懷九苞質詎接雙飛翰睽離經
歲改栖息喟形單劇苓春雨暮采菊秋露溥明后應天
厯衆賢集衣冠奄忽千里至執手平生歡濯纓升博望
蹕轡遊長安愧比蕭艾姿芳馨託幽蘭幸容竚跡濫莫
遣膠盟寒晤言期誰與懷抱為君殫

贈友

北風吹層波高帆疾於馬矯首望雲山日夕到鄉舍親
友慰遠歸春杯正堪把故園多所歡薄宦何為者

觀音巖同浚川王司馬作

久懷名山遊登賞春已暮言尋紫芝約頗適滄洲趣
巉石抱城泯泯江流霧縈礪挹飛泉攀蘿蔭芳樹臨川
足魚鳥攬澤多蘅杜興發揮綠觴浩歌誰與晤弱水隔
煙濤蓬瀛渺天路豈無乘鶴僊雲中自來去人世多囂
塵流光草間露嘉會良足怡轉盼已成故何當巢雲松
脫跡葆貞素

臯林媚晴春宛若綺繡錯岷江匯洪波九派悉輸約仄

疊萬古磯懸崖出飛閣崖中白衣士跌坐澹虛泊祇苑
遺俗氛巖花自開落俯窺羣象杳仰視天宇濶昔賢已
登臨異代不可作竭來奉佳遊轉使吏情薄欲釣任公
鰲還夢坡仙鶴青山何寥寥白石亦鑿鑿寄謝同心侶
且永今夕樂

和顧中丞出息東郊西舍

息駕追夙遊藝疇戒春作繅繭已眠蠶探穀忽成鵲林
英紛委地奈此風雨惡芊綿原隰引聯絡溝塍錯疊石

羣岫移誅茅數椽縛寧希金懸肘賴有田負郭燦燦霞
冠岑涓涓泉赴壑雖雉當坐隅嗥犬出叢薄牀橫元亮
琴架貯韓康藥雅志璞仍懷浮榮展應脫豈異子雲居
草玄甘寂寞

觀音山作

晨霽煙景豁平流淨如掌魚鳥遂飛潛舟艫相下上具
美信難期朋宴娛春賞何當風雨冥來閱驚濤壯

陽峰詩為大學士張公賦

岷江浩東注噴薄萬派盈孤嶽俯江際芙蓉如削成綺
麗地靈結宮堯天柱擎雲物互吞吐島嶼相迴縈伊人
秉幽尚興與山水并結屋面其勝林巷有餘清波光動
遠浦秀色來前楹一朝遘休運應卜登承明介節立萬
仞陽德敷烝氓扶輿發清淑川阜儲精英申甫本嶽降
傳說起巖耕茲山在遐服四海稱佳名

松臯書屋詩為少保許公賦

嵩洛紀名勝嶽嶠分接連中有萬松樹蒼蒼入雲煙樛

枝驚鶴舞偃蓋蛟龍騫上宰契高致結屋長林邊聽濤
過絕澗撫翠倚層巔直節聳千仞美蔭覆八埏時卉豈
不榮愛此晚節堅且聞啖脂術皓若崆峒僊風霜既多
歷雨露矧乃偏幽真婉令德因之謨永年

賦得燕子磯送華兵部南行

遙川匯洪流疊嶂凝黛色巉鑿萬古磯嵌空置禪室恍
若臨普陀大士坐趺膝香煙出杳靄鐘鼓通晨夕座裏
紛雲嵐盃前見帆席我昔捫松蘿留詩在巖石別來踰

十年俛仰歎陳跡君若歎苔扉題書寄相憶

予少孤多病恒有憂生之嗟今年四十矣日月
于邁祿不逮養學未有聞使經衡山適遣初
度矢痛申情爰成茲詠

飭駕辭桂嶺弭棹越江湘我行幾何時已涉萬里疆萬
里豈漫遊王命肅所將咨詢徧原隰登眺窮崖岡聞昔
太史公足跡好壞奇東遊探禹穴南浮踰九疑山川激
壯氣一以昌文章報予誠薄陋懷古意慨慷男子始生

朝弧矢懸門堂眷言四方志豈必懷故鄉
睠彼孤黃鵠矯翮雲天翔
啾啾茅簷下燕雀空榆枋

夜讌歌

璚酒清蕙肴盈錦燈瑤席張四楹
華歌妙舞百伎呈夜行
遊兮悅明星奉君玉觴前致誠
上天垂休惠我明黃河之水
今再澄天雞鳴海鳥升
願君舉觴且留情樂哉時乎
方太平

吳偉畫

郭熙之死誰復同湖湘小仙今代雄慣將健筆寫縑素
江山平遠稱尤工洞庭瀟湘綠何許積水長天迷處所
沙邊老樹總呼風波上輕雲初散雨短棹扁舟競往還
垂綸老翁意愈閒晴窗展玩心眼亂興在滄浪千里間

李學士薇園秋霽圖題贈

玉堂仙人入直還盡日間園惟閉開展席平臨堦下樹
開簾遙對几前山紫薇陰深日卓午石榻微涼過鳴雨
磴道聲飛泉瀑寒雲根色飈莓苔古僊人步履出幽林

長嘯時聞鸞鶴音
手揮綵筆吟芳杜
目翫飛鴻彈素琴
琴書偃傲有餘清
竹窓今夜月華明
誰言西掖絲綸貴
更有東山蘿薜情

漁父

滄洲漁父人不識
日暮移舟煙水寂
沙頭野飯暫維梢
蓬裏天涼自吹笛
笛聲嘹亮度江門
荻花楓葉滿秋村
溪邊雲月長相待
世上功名安足論

全州古松歌

全州古松大道邊白晝暝色行蒼煙谿迴路轉不知數
直至興安陰接連蛟龍拏空勢欲舞往往呼號作風雨
大枝曲鐵小枝盤偃蹇突怒如相忤時復一株罹樵斧
槎牙無枝形獨古誰栽此松經幾禩國初太守名猶記
勝蹟曾留學士題繁陰長與行人憩松風泠泠山寂寥
松月皎皎明清宵遙想山中風月下定有鶴僊吹玉簫
長至祁陽縣行禮時車駕北征

使節祁陽逢至日縣庭班列觀天光即看暖入深宮線

正想風飄合殿香塞馬力應疲雨雪江鴻書不到衡湘
寒雲落木催愁劇魏闕滄洲引睇長

聶君持梅雪卷請題走筆贈之

鷺沙尺書何日傳聶君近泊金陵船到門覽刺亟出迓
丰度雅樸神翛然書云此君樂幽尚十年寄跡江湖邊
平生愛梅有真癖梅雪自號爭清妍瓊姿綽約種萬本
茅屋正在春風前芒屨緩步石逕月拄杖獨往青林煙
有時臨流發孤嘯風致髣髴疑逋僊只宜跨驢學肩聳

那復騎鶴思腰纏青蚨沽酒與之醉散髮岸幘歌青天
吁嗟聶君亦不俗揮毫贈爾梅花篇

仰山置酒

春遊入古寺息駕在山阿不飲盃中物其如山色何泉
聲間鐘磬草色上煙蘿向夕嵐霏起諸峯猿嘯多

泛舟

泛舟無俗情水送復山迎江色迷朝靄松陰轉午晴穩
依危石纜深傍綠蕪行吾已忘機事沙鷗莫漫驚

東溪晴泛

鐘峽出秀浦碧潭無限清日浮江色動舟蹴浪花輕盤
石思垂釣滄浪愛濯纓沿洄意未極川暝月華明

郊行

沙路平如掌郊行吟望賒山圍四野碧溪抱一村斜松
徑入僧寺草屋見漁家春風幾日到遍園桃李花

夏日江亭贈客

江喧過雨時綠樹搖南颺歸客乘流下扁舟向我辭臺

臨春望迥山遶旅行遲無限蘼蕪草因君寄所思

拜陵廟作

六帝神遊迥諸陵御氣濃泉飛千尺瀑枝偃萬年松一
自僊城閑徒看雲壑重遺弓小臣抱悵望鼎湖龍

謁泰陵

先朝趨禁陛今日上陵臺詎識龍駟遠猶疑寶扇迴雨
垂蒼栢淚風動碧山哀千歲岐周下空傳鳳鳥來

下陵作

歸驂悵何適遲回陵路東還循白石逕遙下翠微宮冉
冉開松霧飄飄墮澗風今宵有佳興明月萬山中

金山

寺擁金山古江流碧海深千年此形勝詞客幾登臨波
浪浮香閣魚龍聽梵音晨風渡舟楫真有濟川心

少傅靳公歸丹徒

黃閣絲綸貴東山水石情留侯終謝病疏傅早辭榮江
寺移舟近城居種竹清揮金會隣曲舉酒話昇平

崔子謝病還鄴懷寄

相送出郊寺獨歸愁郭門春塵涉遠道朝雨戀芳樽幽
夢時或到素心誰共論若為經濟畧歸卧水雲村

徐侍讀別後寄贈

行輶望已遠悠悠那復親微霜映郊樹斜日暗京塵身
病嗟行役情真念吐申惟應梅驛使頻寄薜園春

昔約去同載君去我留仍寧知赤驥尾不得附蒼蠅對
酒歎宵月買棹怯寒冰忽枉河洲翰離思渺然增

張侍御謫判晉州

舊日埋輪使中朝仰姓名忽聞遷客詔獨問晉州程暮
雨留看劍長河對濯纓浮榮是何物且慰病身輕

登平虛山殿在永明殿之南巖洞甚奇

臺殿鬱岌嶷登臨近九霄曙霞籠闕迥殘月帶城遙翔
鳳金為闕飛虹玉作橋乘輿罷遊幸花色為誰饒

雨夕作

秋氣總成悲那堪積雨時客衣新授褐林葉故辭枝闕

塞書難問風波鬢易絲停舟問夕鴈渺渺向南馳

過彭城

十月彭城水臨觀勢渺漫客帆牽樹杪日夕畏風湍
汴泗流爭長魚龍卧未安無人守茅屋寂寞傍江干

夕次醴陵

晨裝去萍邑夕駕憩長沙湖江通兩鎮井里帶千家
楓岸霜鳴葉蘆洲月暎花即看臨桂水還喜泛星槎

下祝融宿南臺寺

山殿隱岵堯禪燈照寂寥亂峰臨宿靄古木認前朝
桃水忽相失浮丘還見招欲誇松頂鶴吹笛遡丹霄

早霽與計使君泛湘江遂登望嶽亭

倚棹江天豁移尊草閣幽到牕分嶽翠當檻寫烝流
春至花經眼秋深月滿樓使君時對客詩興遶滄洲

題雙龍寺

入谷嵐霏重開門松寺深灘流萬木罅蘿擁衆峰陰
溪鷺仍寒浴潭龍或夜吟楚地多風雨春山不可尋

盧溝橋

逝波與行客汨汨無時休
猊蟠明積雪虹飲亘長流
曉月迷征騎春沙壓敝裘
經過道傍寺喝思且淹留

贈邊太常黎銀臺北觀

莽莽龍河雪雙帆幾日開
亦知從此別已是隔年回
珂馬春城並衣冠曉仗催
驛亭梅柳色來往送行盃

勝泉寺宿

送行各已返獨宿在招提
鐘漏臨城迫星河隔樹低
方

欣市喧寂轉覺客懷悽因歎勞勞者深慙蘿薜棲

題宮保孫公宜晚亭

翠屏無限好歷歷近青冥落景閒宜對高歌醉自聽浦
帆依鳥盡巖桂向人青黃綺疑公是終朝輔漢庭

謁孝陵

社稷戎衣起梯航玉帛朝觀河功戴禹瞻廟祀宗堯石
馬嘶空翠金鐙照寂寥遙看鍾阜上御氣滿層霄

靈谷寺

蓮宮青嶂合松門石逕重窈然深谷內疑與秦人逢澗
底藏餘雪窻中列秀峰寂寞支公宅惟聞朝暮鐘

歲初視篆呈潘公寅長

滌篆池冰暖開堂雪樹青春光動八極休氣協三靈北
闕垂恩露南宮聚德星同志欣寮案攄忠報帝庭

晚次潯縣值雨是日聞車駕還京

松暝雨瀟瀟公庭坐寂寥城荒民戶少沙曠旅程遙渠
喜通泉溜畦憐潤麥苗夜聞鑾輅返魂夢繞丹霄

通州城北通惠河登舟而賦河近歲濬治舟達
漕粟以免陸運之勞自此至京四十里也

昔上鞬飛盞今來航素波中流牽錦纜臨泛興如何
轉郡樓失蓬開山翠多宛似吳堤上垂楊拂擢歌

攝事西陵行次舊功德寺作

蘋際冷風起颯然湖上秋遠波明島嶼層霧隱林丘
鳥下溪田熟鐘鳴谷寺幽馳驅念于役心賞若為酬

曉入天壽山馬上作

黃覆依岡殿青連夾路松憑高一駐馬望氣欲成龍信
與人境隔惟看雲壑重昨宵雷雨足飛瀑滿千峰

入白芒朱陂

岸岸溪流急山山篁竹多盤迴遵石徑迤邐度松坡深
嶺皆宜木高田亦種禾喚鳩梅雨暗飛燕麥天和池卜
晴蛙語村防夜虎過稍看民樂土還苦吏催科世事關
愉戚生涯學醉歌清溪足魴鯉吾欲買漁蓑

題李學士畫

杏閣依青嶂，羅軒俯綠疇。
路迷僊子宅，花暗羽人丘。
水訝伊瀍濶，山疑鄠杜幽。
傍崖交雜樹，懸石下飛流。
谷曉催禽哢，郊晴喚客遊。
誰言居玉署，長此對滄洲。

賜衣

宮衣錦段新，宣賜徧臣鄰。
繡紋盤虎豹，金彩織麒麟。
詔向龍沙遠，頒從玉陛均。
拜登齊闕謝，愧省獨牆循。
士節論辭受，君恩愛笑頻。
禮看超等級，勞豈効涓塵。
荷德乾坤大，靡財府庫貧。
先朝題歲月，諸道貢奇珍。
貂座儀章

濫竊梁諷諭陳縉紳皆用武輦輅尚留巡暗憶垂裳治
虛慙挾纊仁日占青海使寒望翠華春未厭干戈役私
嗟章甫身

過長陂

長陂鳥鳴初日暄遊子度嶺窮攀援行尋歇馬訪新廟
望近蟠龍識古村春深尚喜林花盛雨後忽驚溪水渾
野老相邀具雞黍解鞍時復過柴門

鍾山遊眺

可憐春岸飛鷗鳥又見春山長薜蘿峰勢挿江谿路少
峽門橫瀨水聲多蘋洲看雨維舟坐松嶠穿雲躡屐過
見說此溪多釣伴月明來聽扣舷歌

觀雨作

東峰雨色遶前溪野樹江船望欲迷卷幔忽驚山霧入
近村長聽水禽啼清憐松菊長茅屋深愛湍流滿稻畦
故人門巷隔車轍多病青尊不可攜

奉酬空同先生垂訪見詒

病來渾與故人疎珍重能勞長者車
地僻柴門堪繫馬家貧蕉葉可供書
鶯花對酒三春暮風雅聞音百代餘
長願飲河心自足却愁和郢曲難如

酬別張侍御

春風曾駐木蘭舟使節真看萬里遊
攬轡霜威清瘴海停盃詩興滿滄洲
天寒江縣城空閉秋旱山田穀未收
多病有懷談莫盡送君分手重淹留

早春郊園寄友

東郊柳色遠依依
忽憶佳人閉竹扉
剡岸雪深回夜棹
杜陵花發典春衣
閒思步屨尋芳草
醉愛攜壺上翠微
不是賞心緣節物
頻年離索故交稀

除夕和石潭學士時車駕狩于榆林

更燒殘燭坐虛筵
起視明星在遠天
客夜盃盤隨俗舉
城春花柳向誰妍
愁心暗逐堦蓂老
芳訊頻經隴月圓
身事流年那可道
箕山終愧古人賢

符子冬暮發京南邁予日思之恨不能從也作

此訊寄

北風日日河冰壯愁病思君萬里行江上歸帆何日到
天涯旅夢幾回成青春自改浮雲色幽谷虛傳好鳥聲
逋客總貽猿鶴笑故山空繫薜蘿情

送進士陳則英歸覲

長安闕下送離觴才子寧親赴北堂已喜登科同片玉
曾看作賦比長楊歸帆夜渡閩川月舞袖春攜漢殿香
暫到故園非久別雲霄計日待鵬行

奉同溫宮諭移疾寺居之作

九衢車馬暗塵氛
僊客西堂卧白雲
靜愛市朝堪吏隱
勝將泉石與僧分
澄心夜對蓮花水
秘典朝披貝葉文
獨有可人期不至
素琴蘿逕立斜曛

西湖抗守置酒

朱幡翠幌在蘭舟
綠水澄潭寫我憂
雲破樓臺明曉日
筵開簫鼓競春流
煙中櫂逕藏山寺
蘋際菱歌起釣舟
古木蘇堤頻悵望
看君為政繼前修

集壽僧房餞少司成汪先生之南京和席間韻
君去扁舟碧水陰古蘭幽荏藹芳襟移榻野鷗陪宴坐
開尊江月照離心春鶯自解遷喬木海鶴誰應別故岑
悵憶先朝供奉日西清鐘漏隔花深

行經長沙江寄易太史

酌酒看花興每濃十年林卧阻遊從常參玉署歸難並
遠使滄江去未逢世事總知榮木槿愁心空惜老雲松
湘園門巷雲陽麗日對秋屏翠幾重

登嶽憩半山亭

孤亭翠嶺上層雲煙靄微茫曙欲分
仙家鳥道迥莫到石壁猿聲清忽聞
幽泉樹杪飛殘滴瑤草巖中吐異芬
看拂丹霄朱鳥近焚香先禮祝融君

南臺寺同常甫兄宿是夕聞欽之兄自攸縣來會

香閣珠林倚半天兩人相對嶽峰眠
羌村秉燭翻疑夢緱嶺乘鸞似下僊
雲伴瘦筇過絕壁風傳清嘯隔蒼煙

攸江亦有山陰興莫更虛迴半夜船

尋愚溪謁柳子廟

柳侯祠堂溪水上溪樹荒煙非昔時
世遠居民無冉姓
蹟奇泉石有愚詩
城春湘岸雜花木
洲晚漁歌清竹枝
才子古來多謫宦
長沙猶痛賈生辭

山裏驛夜坐

汭嶺路岐仍渺渺
拍林風雨更朝朝
清溪傍竹聽蕭瑟
小驛焚燈坐寂寥
湘浦葉飛驚歲晚
鈴山家在憶書遙

垂垂一樹梅花白，賴爾能將旅思消。

暮次靈川懷寄大叅師舜憲副天益二鄉丈

天南歲晚更依依，朔雪寒雲遶樹飛。
投館驚看風土異，臨觴悵憶故人違。
情同灕水仍西注，身似春鴻向北歸。
想見郵亭頻駐馬，獨吟千嶂已斜暉。

發湘江

人日移舟湘水岝，東風吹浪徹寒陰。
城邊栢葉留春酌，沙際滄浪待客吟。
煙村小逕通漁浦，石壁迴谿映竹林。

時向舟人問佳境前程幾處費登臨

陽春書院唐朱二侍御邀集

陽春院裏花仍發不飲其如春色何
高臺曲沼人能到
遲日濃煙景自多
猶憐綠水飛鴻鴈
更著蘭舟採芰荷
章郡昇平異前日時邀驄馬一相過

楊侍御使蜀

江草萋萋江水長使軺聞欲度瀟湘
開帆夜坐星河色
載筆春吟杜若香
綵繡過家非舊服
皂囊還闕有新章

西州五月無炎暑應避青驄滿路霜

喜雨和郭司業

入秋忽聽翻江雨長夏空瞻落檻雲頓失塵熇淨如洗
乍迷山翠杳難分民情正望倉箱富神薦猶憑黍稷芬
更喜清涼慰幽獨簡編遙夜坐膏焚

和顧華玉憲長遊天界寺之作

素衣那受市塵侵虛谷迢遙見此心苔逕客吟猿鶴靜
石牀僧定薜蘿深高賢有意依蓮社開士何年建鷺林

肯借玉琴酬雅興欲憑芳草寄幽尋

遊洪陽洞

鶴馭驚驂去不回林扃岫幌客頻來洞門日照煙霞發
巖竇泉飛雪屋開始驚竒僻非人境更愛攀臨坐石苔
迴輿出谷千峰暝猿嘯禽啼萬壑哀

虎丘臨眺和朱侍御

翠嶺晴煙鎖鷺峰玉泉陰洞隱龍宮高攀雙樹青冥上
俯瞰三吳宿靄中沙浦斷雲低度鳥石林脩竹靜吟風

禪房水石佳遊在塵世滄桑浩劫空

蕭子卜居梅林賦贈

溪上梅花玉作林溪邊茅屋苦寒侵孤山倚棹逢詩興
潁水移家見客心日暮漁歌來浦溆雪晴花色上衣襟
風塵擁傳勞為郡時向滄洲寄一吟

贈張建寧太守

武夷煙月鎖潺湲露冕春行碧嶂間粉署却辭僊直遠
滄洲故與吏情閒朝廷政賴循良寄閭巷風從揖讓還

精舍考亭松桂在為收遺籍副名山

徐養齋方棠陵偕至喜而有作用浚川少司馬

韻

江上新傳李郭舟鶴汀鳬渚羨清遊誰知今日來千里
似憶佳期渺十洲梧竹越山棲綵鳳風雲天路引驂騑
相留擬下南州榻醉裏狂歌海月秋

和陳司馬元日早朝

袞袍當殿識威嚴黃表開函近御簾舜歷堯虞欣載紀

日華天表慶同瞻赤葵心向青陽吐豐草恩隨湛露沾
聞道塞垣新撤警聖謨賢畧已先占

奉詔陪祀穀祇壇西苑遊矚泛舟太液和亭溪

學士

祇壇奠璧曉光初法駕臨疇宿雨餘幕近爐煙浮羽仗
林晴花色上簪裾身逢廣樂鈞天盛世際淳風太古如
農畝起家陪帝籍江鄉春事憶郊居

僊舟春汎渺銀河桃杏紅芳水綠波日出芙蓉開帳殿

風迴笙吹繞雲蘿汀洲鳬藻榮光滿樓閣煙花淑景多
不是傳宣承帝澤豈緣天路得經過

使郢發京六部都察院通政司大理寺會館于
報國寺

雙龍御節下重霄九棘芳筵集上僚冠蓋寵行賓禮重
山川銜命去程遙天香清梵留僧室霧樹啼鶯別市橋
幸遇聖明崇孝理願從南國采風謠

次襄陽

朔雪荒臺獨鴈飛
楚鄉凝眺轉依依
天連浦溆惟寒水
山隱城臯已夕暉
旅客競尋潼口住
釣船閒傍鹿門歸
龐公舊隱巖扉在
悵望無因得息機

梅花泉同紫巖太宰遊次韻

聞道幽香臨絕澗
偶尋遺跡一相過
風前雪樹花難覓
巖上霞箋字半磨
苔逕客行青嶂遠
石堂僧占白雲多
塵騷此地應稀到
洞口年年長薜蘿

至日集靈谷寺

青霞宿霧淨朝陰長笛洞簫悲遠林雲竇泉流孤壑靜
石門風入萬松深迴廊古壁傳名畫墜葉微霜助梵音
此地巖巖足幽勝歲時攜酒一登臨

至日上方吟送酒盡看鸞鶴在煙霞陽回嶰谷時方泰
山繞鍾陵境自嘉林下幽香逢蕙草水邊春信見梅花
習池賓客今名勝轉覺風流興未涯

金陵歲夜

舊都遺俗是昇平坐聽盈門鼓吹聲
栢酒競傳知臘味

金分八十一
卷四百八十一
土牛初獻識春耕萬家梅柳開煙市雙闕星河隱鳳城
萍海客遊今老大自慙癯質玷華纓

寄題歐侍御碧溪草堂

柱史谿堂何處尋石潭沙島靜陰陰扁舟客到柴門近
芳樹鶯啼草屋深霜簡皂囊酬夙志渚蘭汀芷寄閒心
濯纓擬和滄浪曲抱膝還為梁甫吟

王銀臺北上識別

長安里第似幽居水石流傳亦到予芳會更移泉上酌

舊題多認竹間書
爐峰遶洞山常近
書帶縈堦草未除
君去好隨天闕鳳
吾哀終釣楚江魚

送大司寇周公致政

海東歸駕杳難攀
松桂清陰滿舊關
老境正逢開口笑
畏途誰得乞身還
花邊曳杖吟隨鶴
湖上移舟坐看山
簪笏有人能繼美
恩波長在五雲間

陳中丞年兄陞大理卿還朝贈別

卿月招回入紫微
法星迢遞別南圻
江波共惜僊帆遠

臺路爭看繡斧歸松栢晚當冰澗立鵷鷺春傍禁林飛
江東雲樹遙相憶榜下同年大覺稀

大司馬劉公宅翰林諸寮修瀛洲會限韻

鍾山晴對草堂青勝日芳筵更此庭花霧竹煙籠氣色
漢雍唐省備儀刑直令渾噩追三代坐見文章似六經
却憶北扉供奉日幾回鐘漏視明星

烹茶燒竹坐談經正愛清香滿戶庭賴有琴觴能遣俗
都無案牘可勞形上林梧竹棲羣鳳東壁文章紀二星

他日漢家麟閣上願期勲業在丹青

答潘石泉年兄見贈

塵壒驅馳愧我形鬢衰非復少時青
偶隨冠佩登仙署未有涓埃報帝庭
省閣優閒無吏牘山川名勝有圖經
江湖敢替憂君念夜夜頻瞻紫極星

贈馮郎中

楓岸沙汀江上秋若為遙駐木蘭舟
含香舊侶辭僊署剖竹新恩寄遠州
適楚更題鸚鵡句登臺那憶鳳凰遊

天涯勸爾頻加飯壯志平生不易酬

贈惲郎中出守温州惲前歷均郢二州也

東際鯨波郡國寬魚符新輟漢郎官循良舊望人先喜
山水佳遊路豈難齋閣靜依棠樹憩海天晴得蜃樓看
相知未久那成別遙聽賢聲為爾懽

南京吏部後圃池亭

一泓長湛鏡中天欄檻憑高得月先祗道省中持簡牘
不知窻外有林泉幽篁拂座能蠲俗老檜凌霜不記年

誰信仙曹兼吏隱詩成莫遣外人傳

正月十七日翰林諸寮於敝寓山池為瀛洲之

會闌韻得七言近體

客邸長安水竹居能堪八座擁朝裾
幔亭正啓神僊宴花筵初停長者車
幽洞駐雲迷紫翠碧池消雪漾清虛
莫嫌菲薄無供給留取新題石上書

西園賦贈徐六公子用陳侍講韻此地即鳳臺

遺址

幽人宴息在林園不信城闌車馬繁
鏡裏芙蓉臨玉沼煙中樓閣俯青原
荒臺鳳去雲俱寂茂苑鶯啼日自喧
合有神僊來此地時占紫氣候前軒

暮春集雞鳴山閣

勝侶攜尊興不違春山高閣坐忘歸
濃煙密樹深相映麗日澄湖迥自輝
清磬乍隨僊梵遠異花時傍佛筵飛
真從畫裏看京邑更與攀蘿上翠微

除夕

盃湛燈明深客堂促陰浮跡笑塵忙病來漸覺形容老
靜後渾於歲月忘星斗逼簷知夜永壠畦融雪卜年康
朝衣細整聽鐘漏正想氤氲漢殿香

贈呈立赴曲江丞

童稚情憐硯石親雪窻螢館共悲辛那堪老至思前事
忍向天涯別故人對酒莫辭寒夜醉折梅應寄遠江春
河陽小試君休歎遙聽賢聲慰吏民

祇役戚園覽遊西山諸寺

西峰東崦鳴鐘近寶刹珠林處處來松逕駐驂僧吹發
石溪流葉寺門開始驚鳥道看難到漸入雲根興轉催
年去尚嗟筋力在夕陽重上最高臺

平坡寺在西山之巔境甚奇峻攀磴而陟俯眎
萬壑予為禮侍一至今十年矣

入門雙樹欲參天為禮雲峰一爽然長向省曹迷簿領
忍令心賞負風煙乍聞鐘梵千林上徒倚蒼茫獨鳥前
再入南宮容鬢改山僧猶記昔遊年

和宗伯託翁雨宿浣花草堂

卧聽西巖風雨生
草堂蕭颯一燈明
竝枝宿羽深愁濕
遶竹飛泉倍覺鳴
仲蔚蓬蒿連宅徑
少陵花鳥入詩情
故園已是滄洲別
華省猶傳白雪聲

送許少宰之南都

香案攜經直九重
留曹聊復借高蹤
渡江風送僊舟鷁
望氣雲蟠帝宅龍
東郡掃松還駐節
北書將橘謾題封
舊遊回首難忘地
座倚脩篁夕翠濃

贈甘几山少保

尚書投笏賦西歸擁傳承恩倍有輝
鷗夢却便洲渚靜鴻冥真與世塵違
留侯穀為尋僊辟疏傅金從宴客揮
獨有丹心仍戀主夜瞻星斗望彤闈

贈盧審卿司業

南舟遙問秣陵程北客初諳作宦情
海近雲霞連北固宮深鐘漏隱西清
才名早已儲三館形勝真堪賦兩京
自昔成均師道重諸生今喜得陽城

壽白菴趙翁石埭之父

郎官闕下拜恩初歸觀高堂樂有餘異代王孫傳舊譜
清時逋客賦閒居身安豈問還丹訣興逸惟耽種樹書
頻報家音知善政江間容易得雙魚

贈錦衣徐少東奉使滇南因述舊遊奉寄尊翁
東園親丈致予懷仰之私

信陵池館帝城隈幾坐層軒共舉盃疊石却為栖鳳鳥
並湖因作釣魚臺別來景物聞增勝老去流年惜暗催

欲賦前遊那可再暮雲江樹首頻回

題西湖景畫

一帶雲峰望却無六橋煙樹隱模糊夕陽樓閣林藏寺
芳草汀洲水滿湖蘇相堤橫蒼逕遠僊宅傍碧山孤
畫圖云是西湖景曾到西湖似畫圖

贈袁懋淳太史

燕谷回春春色晴為斟春酒送君行過鄉草引王孫路
投館花迎漢使旌太史壯遊窺禹穴侍臣僊籍繫蓬瀛

南宮第一題名日曾記君王問長卿

贈嚴敏卿太史使河南遂奉親歸吳

頒封銜命促征車奉使隨親樂有餘
覽德正翔阿閣鳳承權應饌越溪魚
鶯花江畔逢春早冰雪途中見歲除
莫向梁園輕授簡須知文價重璫璆

贈趙大理之南寺

茲行堪慰宦遊情驄馬翩翩識舊程
憲府名高周柱史留都班列漢公卿
雲中玉殿朝陵近樹裏玄湖坐寺清

人道釋之能執法一時刑獄自稱平

題雙松卷

庭中雙松樹柯葉何青青歲晚巖居子相期來刷苓

雨泊鳳州酬寄朝望太守

鴉濕波翻木鷗喧雨滿洲離心何處是暝色載孤舟

賜葫蘆畫五對

殿裏皆高手丹青繪事奇宛疑臨水石春色上花枝

勅賜禁中乘馬

天閑神駿勅教騎長奉傳宣過苑堤因是翠華宸蹕近
柳邊深隱不聞嘶

賜太液乘舟

蘭舟演漾水雲空花葉田田島嶼風棹入瓊波最深處
玉樓金殿影西東

詔賜金海乘涼

林陰深靜鳥聲和溽暑全消爽氣多太液池頭夜來雨
微風新綠水層波

西山雜詩

本朝陵墓壯西山松栢神宮未可攀
獨有中官奉祠祀石房煙火翠微間

澗松巖石蔭秋蘿貪看青山寺寺過
歸鳥數行西日外樹煙橫碧晚鐘多

嶽下贈常甫兄

白玉堂中鵷鷺羣十年江海歎離分
豈意與君逢此地亂山攜酒看飛雲

雪霽堂遲欽之

遠信初聞近復疑
西堂清怨獨吟詩
須臾松逕傳銀燭
顛倒風亭洗玉卮


湘山寺唐無量壽佛示寂

雲嵐坐湧巖扉暝
薜荔行遮塔逕斜
兩日炎川病如洗
湘山寺裏見梅花

興安縣

破屋古松喧夕籟
遠峰寒霧起層陰
梅花兩岸瀟江水

金匱要略
卷四百八十一
歲晚相隨到桂林



石倉歷代詩選卷四百八十一

欽定四庫全書

集部

石倉歷代詩選卷四百八十五

十二至

詳校官右中允臣薩敏

侍讀臣孫球覆勘

總校官進士臣朱 鈐

校對官中書臣高 中

謄錄監生臣羅佑湘

欽定四庫全書

石倉歷代詩選卷四百八十二

明 曹學佺 編

朗詩次集一百十六

湛若水

贈別陽明子王伯安

窈窕者誰子絕代亮無雙
不諳小姑性以直終見傷
雖則終見傷中情庸何妨
誰為別鵲吟此曲多慨慷

二

遲遲別帝都遲遲胡乃爾臣軀易棄捐臣心詎能死天
王會聖明帝閭亦孔邇援琴不成聲掩仰淚橫泗

三

黃鳥亦有友空谷遺之音相呼上喬木意氣感人深君
今脫網罟遺我在遠林自我初識君道義日與尋一身
當三益誓死以同襟生別各萬里言之傷吾心

四

行行過湘浦舉首望九疑若見重華墓為我三拜之三
拜之不足稽首重致辭都俞事久濶嗟予將安歸

過玉山

步出草萍關舉首見懷玉超然動遐想中有綵雲屋山
高天宇空安知白日速翩翩青鳥使暮歸玉臺宿

別後與趙元默言懷

子房報韓心毛公捧檄意衷曲誰能亮舉世皆非是聖
哲明幾先衆人視成事濁水出摩尼一朝迥神異士志

各有定肯作俗流比

二

嗶嗶斷金悠悠結同心同心苟不固膠漆亦未深杯
酒出肺腑按劍起知音朝為魚水歡暮為商與參同學
張陳子干戈竟相侵去去請息交鷗盟蚤當尋鍾期或
未死吾且囊吾琴

戊辰臘月廿七夜夢王伯安兄

四時有去來逐客久不至天運尚可量人事誰能計昨

夜夢見之彷彿精神契語久聲彌低畫地示予字滅沒
不可辨了了得其意言別何匆匆路遠會難繼合歡詎
知夢是夢聊足慰藉如平生魂亢爽不可致念之生悲
悽達旦不能寐

新春寫懷寄王伯安

陽氣回管律百蟲已驚蟄彼蟲尚有情草木皆萌蘖君
心亮匪石墜井不復發三年事遠遊一去無書札天道
苟好還君當終言旋

中秋感興

明月當中天逍遙步前庭問此是何時昏中正虛星嗟
歎良獨久化機倏流行白鳥會中晨孤蟾豈常盈粲粲
彼嫦娥皎潔含天靈長風掃雲翳率土仰貞明所嗟時
不待幾見天河清

贈人遊南雍

遊子涉江去采采南澗芹采之欲何為歲暮寄遠人懷
人自不遠歲暮行當返

冥鵬

冥鵬將圖南去以六月息試問何太遲物以久而積冥
鵬起扶搖九萬一朝極試問何太速風積有餘力嗟彼
蜩鷃徒搶榆聊自適搶榆不崇朝孰辨垂天翼

送林君信節推之台州

秋高天宇空河漢淨如澄月華皓無際亭亭照子行涼
風起天末金石為之鳴回薄西山岑搖搖吹客旌風以
比君清月以比君明清飈願遠播明照無遺情

泛太湖訪九和侍講聚塢別業

少非風塵姿雅志在丘壑偶從野王舟春夜太湖泊茅
公向我揖為我舉雲幕雨後空宇澄天高極寥廓七十
二峰巒縹緲天際落日短意不窮更上湖邊閣

登琴臺

陟登千仞岡超然坐琴臺長倚青琅玕舉首望蓬萊不
見瑤臺月但見青鳥來弱水幾清淺念之令人哀

錢塘觀潮

乘月步層臺獨立倚長塔逍遙望東海天地歸吐納夜
潮殷如雷濤頭雪山立病骨怯虛寒四月欺緼衲

過錢塘江將訪大冢宰王先生有懷陽明兄

迢迢涉江去江介生淒風涉之將奚為南湖采芙蓉美
人在遠道我心憂忡忡登山足夔魑蹈海多魚龍俯仰
天地內去子誰予從

訪陽明洞天

道經蓬萊館溪窮到陽明下看東南峰蒼蒼入青冥不

詣此真境焉知非虛名踽踽步巖石山高豈無靈子喬
不可見佇立魂屏營草木如有識欣欣向予榮采之欲
誰寄歲晏難為情

鄔子

投暮宿瑞洪際曉過鄔子薄雲遞輕涼微雨濕芳沚高
帆信天風斷港出湖涘因動江湖思便欲泛彭蠡遙挹
五老峰汀洲采蘋芷乘流直東下無乃瞬息耳

謁徐高士墓一首

謁謁東都季羣公青雲器耿耿陳竇心時違勢自躡哲
人方龍蛇沈冥西江汜下榻豈無論棲棲欲奚俟載頌
厦木言時之用大矣

明月吟一首南安舟中作

舉首望明月明月沈海中舉手招白雲白雲遊太空白
雲不可結明月不可縫攬袂長歎息星火忽已終安得
飛僊子借我一蒼龍

曲江吟懷張文獻

曲江江水長欲濟川無梁美人不可即風度安可量飛
鳥擇高枝鳴鳳在朝陽皇唐世已遠千載空翱翔

武溪吟懷俞忠襄

武溪溪水深欲往隔雲潯美人在何許風采空遺音憂
思滿南北託之被絃琴惟有江門石可以寫我心

湏陽吟

湏陽滙清深兩岸山千尋倒景覆東壑返照他山林野
篠搖壁動山芭倚風吟悄然興我思愧負泉石心高岡

挂塵冠長流濯塵襟

黃丹道中即事

客子念前路居人慕歲功
舒眸望南荒林木鬱葱葱
借問此何時日度玄枵中
落葉靡墮景來鴈無遺蹤
自非朔風發何以辨玄冬
乃知天地大因茲窮始終

古邕州忽見故人龔謙之贈之歸潮陽

人生如浮雲散在天涯
天涯又飄泊浩蕩成離披
披風吹一朝合聚會豈有
期間雲不出山遊魚不越
溪行矣

歸母遲春山多紫芝

自龍州至憑祥道中

癸酉王正月望舒忽已圓登望憑祥陸暫辭龍州船杭
葦始斷港前旌出回巖隱見萬山中初翳疑無門轉忽
或有通上與青空連灑落觀羣山芙蓉秀晴煙煙與山
俱淡心與境相關倏然若有得殊土元同天

新歲

俗情愛新歲寒暑運之常常運委我去感茲翻慨慷慨

慷亦奚為有志不獲將悠悠萬里道稅駕未有方豈無
髣如絲那堪補君裳

僕山驛道中

側逕通幽崖凌風放高躅下有百尺淵上陰千尋木冷
泉漱溪毛迴颺動脩竹超然生竒懷情結清溪曲中有
無名禽于茲媚幽獨

回宿丕禮曉枕夢先師石翁先生

鳥鳴客初覺簷隙光漸發欲起仍遲留省事心已折哲

人夜入夢遺我一書札恍惚不可讀意了字滅沒展轉
隔幽明哀歌思盈闔

予與潘黃門使安南還憩龍州同州守趙良弼
遊僊巖即席賦此時正德癸酉二月十日

崢嶸矻野次石壁開巖扉山木雖未暝白雲暮來歸小
憩登陟餘超然生遠思涼飈起新霽高歌送微暉風雲
一飄散浩蕩本無期

遊三州巖

地有濂
溪書院

昔欲訪名巖匪為恣盤遊聞有先哲蹤因茲仰前修野
雲埋古院光風滿層丘伊人不可見頓令我心憂溪蓮
有佳實欲采渺無由

九月二十二日同高侍御登六榕寺塔

秋高氣初清雲淨天宇澄迢迢上危塔憑虛步青冥仰
近北辰次下壓南極星達觀衆妙理俯察羣動情斯人
苦長勤日夕競營營感彼江流水朝宗去不停

同南雄李太守林通府冷節推讌飲登浮屠

嘉筵藉蘭若宿雨清埃氛廣宴開雲嶠清歌臨水濱愛
客感賢守鼓瑟愧嘉賓狎坐飛羽觴更酬倒瓊樽竒懷
寄登眺危塔凌青雲舒眸碧海際浩蕩觀無垠寓目周
四野歌嘯聲相聞乃知非盤樂遊息至理存

癸酉除夕貴溪道中

伊昔垂髫年逢歲輒歡喜喜歡將何如數日仍屈指事
與年侵尋世網固纏已物態遷性情感節悲懷起四序
恒不居天地有剥否眇茲血氣軀神理會頽圯四大非

我物安能保妻子骨肉尚不顧官爵寧久恃困魚樂深淵齷齪思脫屣何當凌高風采薇西山趾

甲戌正月十日同潘仲魯黃門諸友遊金華雙龍赤松諸洞

曉出蘭溪門逍遙望名山望之已可愛而况遊其間窈窕藏境勝夷曠令心閒白雲晝冥冥溪流日珊珊不見牧羊子化石只依然心迹俱寂寞悵望未能還

酬姜仁夫用陽明韻見贈兼懷陽明二首

榜夫晨理棹行人難久留悲管三四動注目臨溪樓昨
為飲會地隔旦如三秋流光逝不停一去永不收幽蘭
發汀渚靈芝秀崇丘因風遺遠馥聊以消我憂

二

險阻思安土樂天安可忘念彼同懷子睽別令心傷天
地尚迴轉日月會有常咫尺乃千里何況道路長滌雲
耿懸榻婺雨暗山房摩挲舊題句中夜夢連牀

送黃小江僉憲進表畢還廣州

弱齡塵外志點也與為徒微尚夙所敦俛仰一紀餘傷
哉力不競淪落在泥途中夜起浩歎攬衣步前除咎己
有餘裕尤人多憂虞行年四十九將與伯玉俱知非在
今始言為知者據

二

鳳凰曠世出一鳴三千年寥寥抱真士韜光自委身我
慕牛醫子沈冥以不言之子小江秀翩翩五陵間家學
傳令德發憤追前賢夙昔游文藝于今遡真源努力愛

日月逝矣如長川

甘景陽司訓自郡中還過小瀛

客舟何悠悠來自天際頭
水行動微颺旭日孤帆收
云是樗里子薄言與同遊
維南有嘉木好鳥時相求
對此終日夕聊以忘吾憂
未應小瀛月虛繫蕩湖舟

附渡北行夜阻風山旗坑寄懷陳睡卿馬懷瑞
諸同讌

旦從故人讌洒落坐高軒
一為風水別中阻荒州孺起

視迷四野相憶夜漫漫青蠅附馬尾利鈍故隨人貞女
託所天憂樂由夫君總為物所誤中立無纏牽纏牽累
千里萬事有固然因茲悟至道與君同勉旃

卜石翁改葬皂帽峰東仲家

皂帽何處峰青天斂芙蓉岫崕崕昆侖頂窈窕蓬萊宮本
自同大塊積氣有所鍾洒落看諸山諸山赴海同羣峰
與萬壑拱揖如朝宗壁立千萬仞鳳凰翔高風于茲擬
埋玉可以配我公二紀猶此劫五百憶竒蹤一朝迫神

異冀北馬羣空

宿寶峰寺

秋深天氣肅雨餘亭館涼逍遙登梵閣寂寞坐僧房地
高天宇空霜露沾衣裳虛磬發林杪傳燈泛雲光端居
宜寂滅感節故悲傷色空本同體根塵何必忘

有客過西樵煙霞洞有作答之

我廬在煙霞逍遙出雲端天空鳥道絕江迥柴門閒翩
翩者誰子放歌來扣關昔為青衿彥今為入幕賢手持

網成策爽氣凌高寒

三水候送郭總戎不至二首

戴星出西樵見月望三水愁慙美人期君命恐不俟朔
風吹船頭寒沙齧船趾開蓬瞻停雲未忍中道已

厥明泊水涯樓船猶未來捨舟步曲岸登高望所懷所
懷久不至渺渺令人猜自古難前期人事多好乖

得垂虹泉懸壁巖

東行度龍溪遵嶺北而西迴望煙霞洞中居控四維前

得垂虹泉珊珊落雲端壁立如斬削鳥道孤巖懸于茲
宜攬結或可作小歇洗耳與枕流長以師峻潔

李親秉忠過煙霞贈之

抱病煙霞居遠世日婆娑不見交親至惟見白雲過孟
夏風雲會送子來大科洞門脩且深窈窕入煙蘿羣彥
翕然集燕飲酣且歌警發同文會言笑靡及他豈無欲
君意未敢言琢磨不謂即言旋白雲如子何賤軀因晨
風言餞山之阿

南京劉秋江至煙霞

有鳥振奇羽周遊隘八區嗟彼搶榆翅一枝徒自娛素
啄秋江水今將睨天池偶值雲端樹況是千尋枝積風
負大翼殊量非小知語君九萬程君志定何如

送戴員外

戴君工垂佐業出石鏡陰邂逅道知素因憶齊雲岑國
計赴留司若過桑梓林為予借石鏡可照萬古心

題華山希夷睡圖

陳橋數萬之擾擾不供墮驢之一笑宋家四百之歷年
不足開耆之一覺五龍睡法不可傳虛以待之無所先
一闔一闢皆自然此輩豈是作夢人引筇卓地脫笠頂
自有天地為衾枕何須更費買山錢落花啼鳥春無窮
欲畫此夢須夢中

過波羅二首

片帆出扶胥潮打虎門開正愛遠山青白鳥閒飛來
舉首望飛雲鳴橈過黃木艤舟江上亭虛空觀日浴

送郭總戎三水之會夜歸一首

稍稍將船出，倏爾度三辰。朝去暮知還，多愧山中雲。

何親邦仁將北上來別煙霞

有客來煙霞，告我遊燕北。送子以愁心，徘徊瞻斗極。

答邕州別駕鄧誠之

美人昔住藤江湄，藤江山前雲滿溪。翳門關外春草萋。

王孫王孫歸不歸。

石倉歷代詩選卷四百八十二